

皇明續紀三朝法傳全錄

皇明續紀三朝法傳全錄卷之四

聖湖 高汝栻 輯 會稽 王 著 閱

高 鳳 珍 校

上知
臣石
天祐

庚寅萬曆十八年正月朔日 上御毓德召閣臣申時
行許國王錫爵王家屏四臣於西室 上出評事雒于
仁疏于袖中謂以朕爲酒色財氣所使觸怒致疾聲色
俱厲命追治之輔臣奏小臣輕信失真疏久留中方仰
聖度攸容一旦嚴譴翻成其名以疏還寘御案者三反
覆寬譬 上怒少解命削于仁籍爲民○大學士申時
行等蒙召見言雒于仁事畢因奏云臣等久不瞻親王

續編

皇上聖元
子明示臣
子長切之
方定決

願雖有芻蕘之見不能一一面陳今蒙宣召臣等敢
不傾吐近來皇上朝講稀疎外延日切懸望今聖
體常欲靜攝臣等亦不敢數數煩勞起居但一月間或
二三次或三四次間一臨朝亦足慰羣情之瞻仰上
日朕疾愈登不欲出卽如祖宗廟祀大典也要親行
聖母生恩也要時常定省只是腰痛脚軟行立不便輔
臣以冊立東宮係宗社計請上曰朕知之朕無嫌
子長切自有定序鄭妃亦再三陳請恐外間有疑但長
子猶弱俟其壯健使出纔放心後請曰皇長子年已
九齡蒙養豫教正在今日宜令出閣讀書上曰朕已

卷之四
聖孝事

上以誠待
天下豈有
講受偏執
之理與群
臣激揚
聖意故爾
遲遲

蓋鳥能創
海也

知之時行等出。上遽令司禮監追止之云。已令人宣
長哥來與先生每一見。衆輔還至官門。上令內使覘
申閣老等喜否。時行語內使云。我等得見睿容。便如親
景星慶雲。上微哂之。有頃。皇長子。皇三子。俱至。引
至御榻前。皇子在御榻右。上手携之。向明正立。
輔臣等注觀良久。因奏曰。皇長子龍姿鳳表。巖巖非
凡。仰見皇上昌後之仁。齊天之福。上欣然曰。此祖
宗德澤。聖母恩庇。朕何敢當時行等奏曰。皇長子
春秋漸長。正當讀書進學。上曰。已令內侍授書誦讀
矣。時行曰。皇上正位東宮。時方六齡。卽已讀書。上

日朕五歲卽能讀書。後指皇三子云。是兒亦五歲。尙不能離乳母。遂手引皇長子至膝前。撫摩顧惜。時行叩頭奏曰。有此美玉。何不早加琢磨。使之成器。上曰。朕已知之。時行等叩頭而出。

二月。命罷寺觀勿禱。令詣寺部。觀不急之征。及額外經費。又詔各省省刑簿。欵多方。賑卹。覈實蠲免。毋務虛文。○兵科給事中張貞觀奉命巡視山西。條上安攘十八議。時五臺山礦盜張守清爲亂。貞觀檄降之。所條皆善後事宜也。下部知之。○時首夏已過。亢陽不雨。祈禱未應。疫癘流行。厰內失火。延燒太多。至風霾先示于關中。

火光繼報于延緩地震大作于西晉天鼓復鳴于平涼
災異頻仍不一而足禮科給事王三餘請弭天變以恤
民隱不報○右論德隆可教上盛德頌頌十有二章章
二十有二句各爲小序首述聖祖明訓後致已意謹身
心第一嚴祀第二講學第三勤政第四家法第五身教
第六御臣第七納諫第八崇儉第九恤刑第十散災第
十一憂危第十二上嘉納之○火落赤擁衆入陝西
殺死副總兵李聯芳全軍覆沒先是洮河邊外皆番族
與虜隔絕國初設茶馬司與番爲市每歲納馬易茶者
熟番封貢後虜常抄掠諸番番不能支俛首屈服歲有

天二

邊臣生事
于虜何罪

七邊經略
四朝來未

輸款名曰天巴。于是虜騎數至番中。而火落赤者尤傑。點據莽刺川。時掠漢人畜。邊將就索。輒復得之。時副將李奎方大醉。軍士報虜有傲奎。卽單騎馳之。不介而馳。虜初來特。輟自白奎。輒拔刀而斫。虜大噪。射奎創甚。還營而死。督臣檄大帥劉成嗣擊之。虜遂入犯洮河。副將李聯芳出戰。遇雨。爲虜所乘。損傷軍士無算。廷議紛紛。謂虜已敗。盟順義寔助逆。洮且陷。臨鞏危。若累卵。因疏劾本兵歸咎政府。上命戎政尙書鄭洛爲七邊經畧。使魏學曾三邊總督。鄭王和。魏王戰。廟堂主鄭臺諫主魏。迺下九卿集議。○九月詔停刑。

高汝斌曰時廟堂自有成畫不過借廷議爲名以塞臺諫之口耳若論正理虜若入犯無縱敵不擊之理虜若不入無出塞追捕之理古人所謂來則禦之去不窮追已成千古懸案何國朝體統極尊遠過前代此等小夷輒管可使乃以和爲名耶當以撫字代之卽川兵討請无日職王師有征無戰戰字且不輕下而招納犬羊就我秦哺安得以和爲說故輔臣後易爲款云與日日本之後主有陰爲和親之計以誤朝廷者豈但稱名之繆也

上御門視事畢召閣部九卿于皐極門內暖閣面商問方畧時行曰虜酋侵犯只是搶番無意內犯上曰番人也是朕之赤子番人地方都是祖宗開拓的封疆

上乃切責督撫平時失于預備臨時不免疎虞時行

曰此係武臣信地與文臣無與上曰古時文臣如杜

認得文武
可差之甚

預諸葛亮都能將兵立功。又曰：選謀勇將，曾經戰陣者，委之。然後可時行曰：今時少有。上曰：重賞之下，必有武夫。可選選廷臣推舉諸才望者往監之。時行曰：款貢乃皇考聖斷，通貢二十年，保全生靈，何止百萬。上曰：款貢不可久恃。若專媚虜，使心驕意大，豈有厭足之時？後諭本兵申飭各鎮而退。

十月，閣臣王錫爵上言：占謀國之臣無事，則深憂有事。則不懼自虜。款二十年來，吏怡卒玩。一旦封豕生心，舉朝惶怖，止辯嘽嘽，追尤首事。此一反也。武官燬下，求安專籍，款關之利。文吏隙中觀闕，爭談出塞之功。此二反。

治清補安
定安晉堂
以經營鎮
定之各有
時也

既梁之廣
惟火門一
枝斷然逆
天餘固在
望天閣之
際形狀未
露不妨暫
布恩信以
補之良平

也。諸邊以彼此支吾為熟套。以日月枕揭為良謀。一遇
緩急重難之事。則隔垣內外。便分爾我。逃責于已。而遺
禍于人。此三反也。臣竊為三反之論。而約以經營鎮定
之一言。蓋欲省議論。使當事者。可以措手。暫寬文法。使
文武同心。人人效死矣。○御史萬國欽。劾奏首輔申時
行。奸貪誤國。虜再入塞。破軍殺將。督撫疏稱閣臣。指授
方畧。不知是何方畧也。時行對。陛下稱堅壁清野為
萬全策。而劉永嗣之騷沒。臨鞏搶掠一空。堅清之言。何
以自解。時行上疏。言兵難遙度。火酋皆約當戰。他酋未
合謀。當撫。責成督撫。論虜王無助逆。革火酋撫賞。密圖

從生察已
然之勢其
策必出于
此

以此論已
招然明白
而群臣之
請激憤得
通于上
者何也

勦處豈嘗專主和議不戰事可否相濟計慮宜周若輕
以主戰迎合衆意安取匡弼是不明大臣之義也請召
九卿于庭質以得失無熒惑視聽 上曰申閣老制度
正合朕意無復妄言衆服不敢誼器遂降國欽一級調
外任○刑部尚書劉應節卒贈太子太保 ○九月
詔停刑○兩京九卿科道合辭懇請冊立東官 上諭
閣臣冊立事如明年春夏科道等官不瀆擾明年冬傳
旨冊立再瀆擾直待十五歲○皇貴妃第鄭國太特疏
請上冊立 上曰皇子體脆質弱再少俟時月朕自有
旨○御史荊州俊叅刑部尚書陸光祖審訊徐性善通

賄事情下九卿會勘京師有巨惡徐性善故父徐良佐
本以棍徒謀進御用監書寫交結馮保改磨內庫冊籍
盜出馬蹄條金不可數計又盜出成化間工造鎮庫填
青字樣國寶家中見貯十二窖每窖約有一十二萬餘
兩晴絲異寶見存數坛性善原名徐德改名從善又改
今名黃絲光祿寺署丞以金寶萬餘拜徐爵爲義父爵
敗又以重寶拜邢尙智爲義兄因而結交張鯨羽翌聲
焰恃勢害人打詐解官張邦憲舖戶韓鎮被首在厥計
窮毒殺其父以圖滅罪又謀殺伊叔徐良相強奸幼女
霸枯良婦種種惡跡難以筆述已涇河南道御史黃卷

疏奏奉 旨差官籍沒下厥訊問已審明送部該部左
右侍郎先已審當光祖至任特署名題奏而以通賄誣
之會勘事無寔 上命光祖照舊供職○河道右都御
史潘季馴乞休從之○浙江巡撫傅孟春疏請改故太
傅兵部尚書于謙謚以揚勲德以慰忠魂下部改謚忠
肅諡原諡肅愍孟春請改忠愍時禮部尚書于慎行主
其事改爲忠肅其說發于王世貞至黃鳳翔入臺題褒
忠功其孫以杭州右衛指揮改錦衣浸升都督○謫江
西道御史祝大舟戍

三月以工部尚書宋纁爲東宮尚書隨卒纁老成練達

遠志

有古大臣風。從大司徒秉銓。東明石星代爲司徒。欲振
剔奸蠹。以清儲蓄。日夜焦思。不遑洗沐。一日與繙待漏
同坐。欣然語曰。今日又一快事。查出某省羨金若干。可
供國用。奈何無人及此。繙曰。不然。朝廷錢穀。寧可蓄
而不用。不可搜索無餘。且使主上知各處羨贏之數。或
生侈心。不如且莫刮洗。留在彼處。終是國家之用。石默
然。上在御日久。習知人情。每見臺省條陳曰。此套子
上。卽有直言激切。指斥乘輿者。金不動怒。曰。此不過沽
名耳。卷而封之。或有稱上聖明寬度。具知情狀。有當
事大臣所不及者。宋繙獨愀然曰。時事得失。言官須極

論正。要。主。上。動。心。寧。可。怒。及。言。官。畢。竟。還。要。做。省。若。
一。槩。不。理。就。如。痿。痺。之。疾。全。無。痛。痒。無。藥。可。醫。矣。同。列。
皆。服。此。後。數。年。凡。百。章。奏。一。切。留。中。人。咸。思。宋。繻。之。言。
○。巡。按。山。東。御。史。鍾。化。民。部。行。登。萊。海。上。諸。郡。下。養。老。
之。令。詢。訪。二。郡。境。內。九。十。八。十。者。召。至。行。臺。面。加。存。問。
至。繪。爲。一。圖。中。間。有。九。十。以。上。者。凡。十。人。焉。

高汝斌曰三代天子巡狩有召見百年之禮宋時民
間百歲者部使以其名聞詔賜粟帛及爵猶有古意
近此法不行山澤之民有年至百歲而長大不知者
老老之仁蕩無存矣化民此行可謂奉行天德有三代
之遺焉而時俗目爲迂
達不急俗之敝也久矣

辛卯萬曆十九年正月以刑部尚書李世達爲都察院

左都御史以吳時來被論去也。○刑科都給事吳之韓等合請冊立豫教。上怒命六科之長皆奪級一秩。○命工科給事中張貞觀巡視河決事竣疏論淮黃強弱之勢堤堰決塞之由洩水固陵之策事下所司。○內閣恭進寫完累朝訓錄加恩元輔申時行等有差。○彗星見西北方在胃宿度分尾長尺餘已而在東北方室壁宿度分尾長二尺。○南京祠祭司主事湯顯祖星變陳言參輔臣申時行敗蔭等事。上怒其假借攻擊擬拾詆誣命以極邊雜職處之遂降徐聞縣典史。○吏部接出聖諭論云邇來風尚賄賂事尚趨附內之效

書明倫彙編 家範典 卷四
外外之借內甚無公直好生欺蔽前者天垂星示羣奸
不道爾等職司言責何無一喙之忠以免辱曠之罪汝
等于常時每每歸過于上市恩取慝輒屢借風聞之語
訕上要直若幣貨欺君嗜利不軌汝等何獨無言豈不
聞宮中府中事皆一體汝等受何人之爵食何人之祿
傍觀避禍無斥倭去逆之忠職任何在六科十三道本
都該拏問重治姑且從輕罰俸一年○御史周盤詹事
講請釋雲南舊撫李材于獄立功貸罪先建材與鄧天
俸有旨饒死充軍未蒙批發今劉天俸以火器試驗准
遣立功材與天俸同功一體且雲南緬賊猖獗材先曾

出兵攻緬乞矜宥立功。上以爲民宥之。○降禮科給事中羅大紘爲潮陽縣典史。先是建儲事。上原有旨。不許科道等官竇擾。俟明冬傳後年冊立之旨。故申時行與同官約。上已有明諭。臣下自當遵守。稍需一歲大事定矣。每詣司接見。亦此以告之。辛卯之歲。自春及秋。曾無言及。而工部主事張有德忽請東宮儀杖。時行在告。次輔許國老而健忘。若不知有前諭者。乃曰。小臣尚以建儲請。吾輩大臣。噤無一言可乎。倉卒具疏。首列時行名。以進。時行聞之大愕。別具一揭云。臣已在告。不預閣中事。同官疏列臣名。臣不知也。故事。閣臣密揭皆留。

野閣中不發科。而是疏與諸疏同發。大絃新任時行令
典籍從科中取回送閣。次日科臣來索以故事却之大
絃遂上疏論時行迎合上意以固位而武英中書黃正
賓繼之。上怒杖正賓而謫大絃于外。

高汝誠曰自古建立儲貳皆人主獨斷而宰臣從中
調劑委曲贊成未聞小臣能以口舌爭者神宗聽
明英毅宮閣肅如。呈長子天序默成宸衷獨注閣
臣嘗見于疏德宮上手榜誡膝前跪受特至無纖
毫可疑而道路訛言鄭貴妃方見寵幸母愛子抱事
未可知外庭章疏端毛而退。上怒遂加譴斥言者
猶未已。冊立遂至十年而後
定夫非諸臣有以激之哉

禮部尚書于慎行力請乞休上報允以李長春代之時
慎行在禮曹疏請冊立郊廟禱雨及宗藩條議諸大典

其言冊立昴。懇章無慮十餘上。上意默定。不欲人言。屢旨責讓。持之愈堅。至是宜推京考。諸臺臣競以爲不便。御史何某又以爲言。部議仍用京考。拂其意。山東疏上。遂論其預洩典試至名。嚴旨詰責。奪俸三月。慎行力請。九疏。允賜金幣。馳驛以歸。○大學士申時行疏請乞休。回籍。凡十上疏。溫旨始允。差官護送。馳驛以歸。

山東荒旱。蝗蝻爲災。德平知縣曾士榮爲民請于撫臣宋應昌。應昌未之信。縣民五十餘人。載敗未死蝗。走撫臣所呼冤。洶洶幾亂。應昌遂劾奏。士榮給事王德完言。所劾未當。下都察院議。給事吳鴻功言。邇來下吏可以

挾上官訛言可以宜內地上是之士榮方舉卓異遂鐫
秩去○兵科給事張棟奏言閱視之臣三年一遣謂以
八事脩者與斬虜同功八事廢者與失機同罪乃二十
年來凡五六遣率以一疏了事覽其疏中何嘗不曰將
謀卒勇士飽馬驕虜至輒稱無兵無餉則所閱者安在
乎八事果脩否乎報聞○反商死猛猶請補雙貢那林
亭羅猛骨二酋請復都督許之先是卜寨以女許反商
那林亭羅妻則反商婦也而反商酗酒好殺衆稍二反
商往卜寨受寶因過視婦中途那卜二酋陰令部夷擺
思哈射商殪乃歸罪擺白二夷執擺以獻總督侍郎郝

杰謂反商與那卜有夙怨今射死中道情甚隱難深求
請梟燹夷示法反商子驤台住等並切依外家應加厚
卹所遺部夷並勅百三十七道暫屬猛酋俟成立議紿
猛酋請補雙貢而那卜二酋亦以有偵虜功併請復都
督許之自此猛骨亭羅脩貢惟謹然南關勢孤且益弱
又日與北關構怨奴酋漸從此收漁人之利矣○順義
王椿力克以助火落赤故罷市賞兩年未與忠順夫人
三娘子捕叛酋史二致塞上請復市賞詔復二年以三
娘子兒不他失禮爲都督史二卽椿力克兄安兔壻也
仍寬假其罪分列于龍門滴水崖史酋亦款服

此豈可行
第諸司不
肯行耳

吏部尚書楊龜罷以陸光祖代之時部推刑部尚書先
祖以同鄉趙錦老成重望可堪是任但春秋高耳御史

陳具疏投劾

上怒降為立城縣典史○大學士

許國予告回籍○命尚書趙志臯侍郎張位兼東閣大
學士入閣辦事○戶科顏文選疏言議兵者必曰招募
議食者必曰加徵今州縣民壯非兵乎民壯額有工食
非餉乎宜選強壯者更番訓練拔為將材有司紙贖定
罪入穀不以穀而以銀者以賍論則州縣皆精兵而積
之三年倉有餘粟亦寬民之大端也○太白晝見
經天星月相去尺許非星犯月卽月犯星久之星漸近

月自東北角入。月踰時始出。正在牛十八度見者。相顧
駭愕。五紀論云。太白少陰也。不宜專行。故已未爲界。不
得經天而蝕。考之前代。太白星經天。盡見太白者。並不
數見。若經天而又蝕。則一二見者也。○兵科都給事中
侯先春疏。秦洮岷一破。各鎮騷騷。而甘肅而固原。而寧
夏而延綏。又進而山西。而大同而宣府。又進而薊鎮。偏
頭武寧。崖門永昌等處。無一非虜所必窺之地。亦無一
而非我所當備之疆。顧承平日久。武備廢弛。將不習兵。
兵不習戰。行伍太弱。芻糧廢耗。萬一虜騎長驅。誰則禦
之。庚戌之事。可鑒已。經畧大臣鄭洛。歷任邊疆。熟知虜

中情態向當扯酋西牧。自言三事。一收回丙兔遺孽。而今縱犯我洮州矣。二平處西寧大事。而反添洮州之一事矣。三送番僧。如今則親自渡河。捨番掠漢。一網打盡矣。且虜西牧一年餘計已遂。謀已飽。不歸何待。旣不能正扯酋負國之罪。又不能復火酋殺將之仇。虜盡東歸。市貢如故。莫敢誰何。惟縛帳下厮養以塞責。不其支吾旦夕而已哉。事下部。

冊一
神廟已修
明旨諸臣
展慶祥之
神之心

壬辰萬曆二十年正月。禮科都給事李獻可疏請豫教。降旨削籍大學士王家屏具揭申救。封還御批。上怒。會科道諸臣申救獻可者。若鍾羽正、張棟、陳尚象、鄒德

登不為同
未起見然
幾于教矣
孔門明訓
何不深味

學承恩作
亂

詠等章虜上。于是兩日之內。嚴旨叠出。或奪俸。或謫官。或一旨調南京。又一旨調外任。一旨降邊方雜職。又一旨削籍為民。後科臣孟養浩亦以冊立為言。且加校一百矣。皆起于家屏之揭救。家屏不自安。三疏乞歸。上以扶君沾名責之。○寧夏卒叛。勾套虜入犯宣太。總督蕭大亨檄寧武諸將守關隘。遙為聲援。以計誘虜。使不得出。諸部為賊誘者皆數挫大敗。○大學王錫爵以省母乞假。王家屏予告俱命馳驛回籍。

時家屏以封還內降傳示御札得罪故去

二月寧夏土酋哱承恩作亂承恩故胡人其父拜嘉靖

三月去身象

三月六日顯皇帝

謂轉門求
自故拜回
技痒亦願
抒丹禁勿
吳

中亡抵朔方，驍勇屢立戰功。歷陞都指揮。己丑，巡撫梁
問孟請加副總兵。致仕子承恩襲。辛卯，洮河告急。上
遣科臣廵九邊，邊各一人而尙寶丞周弘禴以御史往。
寧夏舉承恩及指揮土文秀并拜義子。李雲等拜雖請
老，居恒多蓄蒼頭，軍聲報國。萬曆十九年，火力赤，大入
靖海，經畧鄭洛檄夏鎮調發。問府黨馨奉檄遣文秀率
千騎西援。拜驚曰：「文秀雖經戰陣，恐不能獨將。」乃請洛
輟門，願以所部三千人與子承恩從征。洛壯而許之。馨
以其自薦，弗喜也。故于其行，馬之贏者不與，易有餘馬。
亦不給拜。拜快快去。至金城，見諸鎮兵皆不如其兵精。

刻核太甚
則生不肖
之心

維忠既不
能彈壓而
得之匪又
以畏縮開
端安得不
勝我心乎

賊平。馳還。取徑虜地。虜辟地不敢逼。遂有輕夷夏心。恣
睢凌下。巡撫黨馨。每加裁抑。且欲覈靖海虛糧。以此恣
刺骨。會時雲文秀甚怨馨。馨御將率嚴刻。銖銖之奸。繩
以軍法。衆亦不附。是時鎮戍請冬衣布花。及月糧。勿給。
拜承恩。遂激衆亂。推軍士劉東。賜爲長。入帥府白事。帥
張維忠。鮮威望。爲衆積輕。見衆入。驚悸不能彈壓。衆露
刃執副使石繼芳。擁入軍門。黨馨急。匿水洞。索得劫至
書院。同繼芳僂之。拜合許朝等。縱焚公署。收印符釋囚。
掠城中。劫總兵維忠。以扣餉激變。報併劫。僉事隨府東
賜。稱總兵。承恩許朝爲副總兵。文秀李雲爲叅。挾代王。

結制奴是
注意

請賞罪分兵掠城堡通政穆來輔請招來以緩師

高汝欽曰攻城之法有緩急在我為者所在彼為之
寇張一而之網以移其必死之心可必敗也激之則
敗我師聲罪破聲不逼急之則變從內生不戰而
潰緩之則彼得為謀其勢功成故不可不急也噉之
變使器急趨終其未備致其可俾首而逗留不前
以致賊盛向非此策之害凡何不為北庭靈夏哉

二月會試以禮部侍郎陳于陛詹事盛訥克正試官取

吳默等三百人○總督尚書魏學曾聞倣道標下張雲

部寵至東賜曰必欲我降請授我總兵許朝等叅將專

備寧夏不者與虜俱馳潼關也由是承恩徇玉泉營等

處河西望風靡平虜城叅將蕭如薰堅守不下賊又率

兵過河欲奪靈州肅金帛勾虜酋着力兔等許以花馬

池一帶、聽其駐牧、虜遂入犯、堵截官兵、邀奪糧運、學曾遣將搗巢、以牽制虜衆、虜亦搶掠延綏等處、以牽制我師、虜賊合謀、勢甚猖獗。

高汝拭曰、唐高宗時、李謹行爲大將、東討高麗、其妻劉氏留代奴城、高麗引兵攻之、劉氏擐甲率衆守城、虜不能下、高宗嘉其功、封爲燕國夫人、亦健婦也。寧夏之变、叅將蕭如薰妻楊氏盡出簪環以勞軍士之妻、帥之守城、賊攻圍數月、竟不能下、事聞、賜詔封焉、楊氏故大司空膚施楊兆女。

陝西狄首縣山崩成坑、更于平地湧出大小山五座、大內灾

三月廷試、賜進士翁正春、史繼階、顧天璇等及第、出身有差。○命李如松、總寧夏兵、浙江道御史梅國楨、監其

軍以麻貴代副總兵李薺都御史葉夢熊同督撫併力討賊時諸言者謂李氏跋扈不宜拒虎進狼而國楨力保其忠勇可任且請戎服督戰故有是命李薺爲副將非衝邊才起麻貴自戍所貴素以勇聞且多蒼頭軍巡撫寧夏已推朱正色而甘肅都御史葉夢熊上書願討賊詔嘉夢熊慷慨令同併力云○兵部尙書石星以下馬關距寧夏不四百里慮賊由中衛據關窺固原或由靈州窺慶陽皆所當防者奏請陝撫沈思孝移駐下馬關爲聲援因移保定山陝河南各撫臣備潼關上可其奏○御史梅國楨提督李如松統遼東宣大山山西兵磨

大凡我畏
 人人愈協
 我我求人
 人愈持我
 笑受其亦
 彼亦自不
 敢前我求
 其德彼事
 之德其求
 也朝臣

集軍聲益振寧夏賊嬰城自守外示卑順以緩我師虜
 給虜衆以爲聲援梅國楨至樹一受降白旗於城南賊
 因索面陳歸順許之東陽許朝等梯城而下劍戟鱗次
 刃芒矐目城上皆控弦挽弓以俟國楨進而與東陽執
 手折論朝露亦援之國楨笑受賊亦不知其膝之下也
 賊終役甚欲求鉄券世守西夏自此一力攻城矣

五月倭寇朝鮮朝議命將出師以援之倭酋平秀吉
 卽所號爲關白者薩摩州人奴也竊其王柄以梟傑雄
 六十六州善用兵朝鮮釜山去日本對馬島不遠向有
 倭戶流寓往來互市通婚姻因問國王李貽湑于酒地

朝鮮雖為
中朝屬國
故亦巨附
日本

倭復陂銀
登且中于
遼援之勢
也義也病
也俱不得
不援

備因分遣巨酋行長清正、義智、妖僧玄蘇、宗逸等，擁舟
師數百艘，猝陷慶尚道釜山鎮。王倉卒奔王京，令次子
瑄攝國事，奔平壤。已復走義州，願內屬。倭遂渡大同江，
繞出平壤界。是時倭入王京，毀朝鮮國故墓，擄王子陪
臣、剽府庫財物，蕩然一空。八道幾盡沒。倭旦暮渡鴨綠，
錯趾請援。廷議以屬國藩籬必爭之地，遣行人薛藩諭
其王，匡復揚言天兵十萬已環甲至。且檄海外琉球、暹
羅諸國，搗倭穴。先遣侍郎宋應昌往經畧。賊抵平壤，鮮
君臣勢益急，出避愛州。遊擊史儒等兵至，不諳地利，復
霖雨，馬奔逸不止。儒戰死。副總兵祖承訓統兵三千餘

不教雖役
屯糧失農
志非道
之鼓舞孰
敢先登

府不能
城固守
欲寬乎倫

渡鴨綠援之僅以身免○給事中許子偉劾總督尙書
魏學曾惑于招撫上怒詔逮下獄太僕寺卿王汝
訓又上疏頌學曾之功謂卽有罪亦當末減旋釋之削
籍爲民○陳州指揮陳王道原與李承教有隙役垂涎
管屯喉令軍衆討求月糧兵備副使楊友仁慰諭解散
陳王道因見趙貞明比試乘機糾率二千餘人綁縛州
同擁關兵道放砲吶喊而事聞科臣劾王道鼓衆倡亂
之罪浮于李承教伏法○許朝等至南關請總兵董一
奎款語僉事隨府乘間携印同蒼頭從城躍下賊復縱
執府係獄○侍郎葉臺熊督總兵麻貴李如桡進討嗣

生而適以
長生可也

月水攻

發延緩榆林浙貴兵先後踵至與賊連戰互有勝負
稍退官兵極力攻城賊亦極力守禦延三時不克官兵
死者幾萬人葉夢熊計用水攻相城東北岸卑下處築
堤千二百餘丈決大壩水侵城八九丈都司胡世顯所
築堤埂衝壞斬以殉再築再灌城東西二面崩百餘丈
樓捐二座賊俱用小舟赴堤樹控以洩水官兵擒斬之
賊自是有畏心○寧夏賊勾虜入援着力兔以八百騎
入鎮堡又擁眾萬餘人李剛堡分部渡河如松造裨將
李寧等馳赴黃硤口擊之以勁卒千餘身往策應行至
張亮堡遇虜傳戰虜正銳如松斬縮膊二人會麻貴李

癸丹盡賊其家都吏襲四顧徘徊其下翻城以應而都自焚與如松擊虜兵以絕其援者大相類

惟敬至平壤行長令牙將以肩輿迎之敬旋祀平壤秀吉為大關

如璋等兵亦至張左右翌夾攻李寧手磴二虜虜遂却奔至賀蘭山虜盡出塞如松以虜級示賊賊為短氣

八月倭入豐德等郡我兵稍集勝之而行長等頗習兵詐謂不敢與中國衡以緩我師兵部尚書石星亦謂諸將未得利計無所出謀遣人探之翰林董其昌薦其妾

父黃應腸可用人有言其狡者乃用嘉興人沈惟敬奉帖諭朝鮮王別令將抵平壤拔之倭酋平秀吉廢山城君自號大關王改天正二十年為文祿元年

沈惟敬市井無賴人也依影附形往來遊說憑口驟至倭營是時平秀吉次對馬島據王京行長與僧玄蘇宗達亦各發兵守要害為聲援獨以天向寒近難進取沈惟敬曰天朝幸按兵不動我亦不久當還

以大同江爲界。平壤以西盡歸鮮耳。惟教既馳奏。廷議以倭多狡詐。未可信。我師利速戰。上急趨應昌等。統兵進擊。置惟敬于標營。

密將楊文穆提浙兵至寧夏。苗兵莊浪兵亦至。賊居民內變。我兵陽調舟筏擊北關。承恩許朝果趨北關。鏖戰。李如松、蕭如薰潛以銳卒襲南關。雲梯攀援而上。賊驚散。總督遂入勞撫百姓。承恩見南關已下。急遣張傑下城。懸貸死。總督陽諾益治攻具。使關民李登執原給劄。潛諭李氏許殺劉以自贖。

高汝杖曰：「李之求撫也。謀不決。遂墮門斷塹。勵衆益固。適有賣油李登者。跋而駝負。壘擊木歌于市曰：『毒之不急。而徂于病。危巢不覆。而令巢止。』監軍梅國楨聞之曰：『是可使也。』召登授三劄。縛木渡至東門。見承

李登圖是
一人物

曰監軍以李氏有安塞功。今兵鼠輩斬首并誅。澤州
悅惜。軍中非乏所使。以登疾民。不暇視聽。有密記授
將軍。將軍幸有意。聽登。即不聽。願死麾下。毋留登。恩
悉劉許。急起而出。從間道。見東陽朝。亦各致劄曰。將
軍故漢臣。而首亂。在李氏。何積身與人。嬰禍。鎮卒几
何。安能當都督軍。此無異毆乳雀。而闔群鴛。所恃不
過虜援。將軍不記演武臺上。虜親土。李目中。豈有將
軍哉。所為貴智者。以能度時審勢。轉禍為福也。自是
承朝恩。東陽各有異心矣。

得中圖法
李登平
李承恩殺劉許及文秀。懸首城上。城悉定。李氏尙擁蒼
頭軍。謁監軍。參將楊文執之。如松等急提兵圍李。拜拜
繼死。闔室自焚。李如璋步卒從火中斬拜首。生得拜子
承寵等。寧夏平。

高汝栻曰。劉許李之參商也。始于鎮民郭棟有來龍
修精脯。羞賓客。無幾坤死。而謀以語東陽臣。開國柱
三月去。專暴。三州民。四。銀皇帝。上。

國柱因蘭悅一雙聘焉。朝亦往議。妾曰：「受周家聘矣。」朝問國柱曰：「誠有之？」朝怒其直遂，不能辭相讓，銜之。會承恩聞李登之間，方惶惑，召所親伴石棟問計。棟曰：「國柱見事審而決，後雖東賜臣，然與朝有怨。」意呼之。國柱至，承恩與謀，欲召東賜朝飲，醉誅之。國柱曰：「兩家前後左右，百戈鐵之士，以一制二，恐非萬全。」將軍當計誅朝。城用柱乘間取東賜也。承恩然之。運明承恩過呼朝時，朝正坐拷訊，見而急誑曰：「將軍何暇問此？」有密事登議之。庠衆下曰：「將軍知周國柱有異心乎？」吾將與將軍勵其首，語未竟，承恩家卒。世富大宣，遂曰：「外營礮向樓，無宜久駐。」此承恩疾下，朝賅後從犬宣掖之梯半，世富抽其佩劍，斫之首，殞梯下。囚擒丁悉斬之。國柱見馬廐，還起有兵劍聲，知事洩，乃獲鎗登樓，伴諸東陽曰：「官軍已入南城矣，何優優也。」東陽驚起，凭軒望。國柱自後所之，不死，走入厨房。支戶，國柱引足破戶，衆其首出。衆譁曰：「國柱何故殺將軍？」國柱此曰：「奴不避死走，官軍盡斬汝，誅一逆賊，何弑之有？」衆盡散，以其首投康大軍。葉宴熊以母拜赦，獻俘闕下。

漢唐紀討
四夷發兵
動至數十
萬不知限
額軍旅若
何供需今
方隅有驚
遣一將將
數千人往
輒以州縣
為處優之
殺至征大
下兵不能
回萬言今
物力何以
相繼至此

西事定、調李如松為東征提督、宋應昌與如松將諸鎮
士馬四萬餘、乃東由石門、度鳳凰山、馬皆汗血、臨鴨綠
江、天水一色、望朝鮮、萬峯出沒雲海、將吏揮涕而泣、監
軍劉黃裳慷慨而言曰、此汝曹封侯地也、何作兒女態、
耶、夜共如松畫策平壤曰、此箕子舊都也、而城乘山、又
箕子墓傍、多茂林、可伏、倭守小西門、從別道進兵、出其
不意、可以逞矣、平旦、衆薄城、倭果守小西門、我師攻東
南、鼓聲震天、城頭石弩雨下、募敢死士、援梯鉤而上、殺
數人不退、倭悉衆距伏者、越小西門、有赤幟出堞上、問
為誰、曰、某某先登、蓋陰攻其堅、腸踏其瑕也、是日大風

雨晝冥冥。海水昇沸。我師遂捷。倭趨走大同江。追及開平。復有新獲。次日阻臨津而陣。且收餘衆。奔王京。碧蹄去王京三十里。如松將騎數十。群倭遮之。弇中矢且盡。劉黃裳率兵馳援。射殺金甲酋圖甫。解倭僞爲書。約矢射江畔。請降。黃裳以爲給也。經畧信之。于是議異稍左。先趙志臯當國。張位新。叅志臯。盧以馮引楊一清。崔璠故事。欲經畧東陞。志臯固留之。不果。及如松至軍。文武大會。將吏皆言。惟敬愼邪。當斬。叅軍李應試請間曰。籍維敬給倭封。而陰襲之。奇計也。應昌如松以爲然。遂誓師東渡。

刑部尚書擬時承恩極刑餘俱駢斬長安市頒示天下
及四夷君長○詔慰慶王復寧夏今年田租併 褒慶

王妃方氏

方氏不受賊
汚、堯主審中

給事中劾穆來輔、隨府依違、命緹騎追治之、竟戍邊

外史氏曰其矣、時氏父子狡也、初發難、詭劉許以爲
名、事成而居之、事不成、則殺劉許而歸降、亦不失仇
讎之功、此寔其本謀、故方恣肆時、人稱學帝、劉王、道

大賞、寧夏功臣葉慶熊、朱正色、梅國楨、各蔭世官、武臣

功、李如松第一、加官保、蕭如薰次之、麻貴、劉承嗣等各

加恩有差、魏學曾致仕

皇明法傳錄卷四 順皇帝

天寶軍夏
功臣

有君如此
將士競為
歎蒙何也

親征呼征
倭之勞民
傷財也則
應龍之願
報效宜有
以寬政矣

給事中羅棟劾勲臣徐文壁率眾起變勲衛減俸一節
徐文壁具疏力折其非復因兵部覈議不遂率領眾官
赴訴閣部因有激變之語以相恫喝部臣邵陞台臣賈
希夷等已劾之茲棟復交章論壁命奪俸六月
十二月上憫東征將士寒苦特發帑金十萬兩犒慰且
重懸賞格以募勇士○迨播酋楊應龍請重慶對簿繫
論法當斬應龍願將兵征倭效報詔可釋之時議輸金
贖斬御史張賓鳴方駁問而徵兵檄至應龍請自將兵
五千報效已啓行尋報罷巡撫四川王繼光至提勘結
遂抗不復出繼光一意主勦

胡爲王
光而抗拒
知是耶

刑科給事中葉繼美奏言。今天下兵疲于東西之交。困
財盡于師旅之煩興。而南北並荒。民窮盜起。敢言致變
之由。反之。卽是弭變之術。郊廟不修。足以致變者一。宗
廟不享。足以致變者二。萬幾叢挫。厲階是生。足以致變
者三。地天不交。何以成太。足以致變者四。至如長夜之
飲。自甘伐性。淫刑之逞。動至戕生。計利析于錙銖。恩義
寡于骨肉。尤足以召孽而滋毒者也。不報。○倭寇朝鮮。
朝議調播酋。楊應龍兵救之。又欲發暹羅之兵。使由海
道搗其巢穴。以爲奇策。

高文拱曰。東事作。朝廷遣兵援。恐其不勝。欲調播
發暹羅以助之。夫播酋奉漢法。阻兵拒命。朝廷遣
皇明法事錄。三。明長。四。顯皇帝。

使節數年不出此何等情形也。乃欲調其甲士出入中土。窺我虛實。縱使有功。何以善後。此豈制播之方。至暹羅小國。僻在海南。日本視之。何啻培塿。而欲使揭其國都。是以礮驟入昇也。區區如此。縱播酋恭順。暹羅勝強。勢亦不能何也。出蜀至遼。一經兩海。水土不習。強弱亦異。而暹羅小國。乃在占城之南。琉球之西。三十餘年不通朝貢。使者假虎符而往。將安同津。況能發其兵乎。此等見解。如醉如痴。謀國若斯。不敗何爲。國家福德。天實默佑。非人力也。

癸巳萬曆二十一年正月。禮部侍郎趙用賢上禦虜安邊十大策。疏畧云。虜酋驕橫。勢甚猖獗。輒入腹裏。諸鎮被其蹂躪。地方盡皆殘毀。緝紳之士。日夜持籌而計。比事介冑之夫。日夜批甲而捍北方。益岌岌乎不知所終。請以禦邊十策爲當。寧籌之。其一日。決戰陣。二曰。重將。

三王並封
並封密商
大倉自謂
將順聖
意行元芳
謂其巧伺
貴妃阿私
者多以出
閤為功延
許者竟以
至德為累

禮三日用土兵四日足兵食五目息邊民六日分兵伍
七日利器械八日招携二九日飭法度十日用間謀事
下部申飭○元輔王錫爵還朝首以建儲為請上報
云祖訓重立嫡皇后年少倘後有出是二儲也今將
皇子並封王待數年冊立為便錫爵請以皇長子卽
母官中可不必以非出為嫌上復諭云豈敢皆違
祖訓學前人之假借卿所擬前論正合朕意諭禮部三
子皆封為王以待將來工部侍郎岳元聲謂科臣張貞
觀史孟麟曰此舉何如貞觀曰此論迺錫爵密而進者
元聲復詣儀郎陳太來舍兵科許弘綱儀郎于孔兼咸

諸臣心事
懇切直至
使人潸然
歎異

朝房面質
吳用煞着

在商所以入諫弘綱屬元聲元聲曰某方論錫爵若言
謂有成心反敗廼事其以元聲爲後勁可也弘綱不允
元聲謂許附阿元輔元輔阿附貴妃以累皇上明德
不可遂歸草疏適儀曹郎顧允成張納陞至遂聯名上
太約言皇上正位東宮之日仁聖亦青年莊皇帝
不設爲未然事以遲悞大計疏入刑科王如堅光祿丞
朱維京疏繼上光祿少卿除杰丞王學曾儀郎陳太來
于孔兼又繼上上怒王朱譴成杰學曾爲民元聲允
成納陞得寬旨而並封前旨如故元聲與張顧于陳暨
李啓美曾鳳儀鍾化民顧德煥等詣錫爵于朝房錫爵

到外新平
案未除

色甚厲元聲曰閣下奈何誤引親王入繼之文爲儲官
侍嫡之例乎曾語少遜元聲呵之曰曾員外不知祖訓
老先生在跟前胡說錫爵屬聲者三元聲亦屬聲者三
錫爵容少霽衆起欲出元聲曰大事未曾講定如何便
出錫爵曰然則如何元聲曰詔已定老先生亦難改口
惟有延臣逼迫老先告之皇上除挽回二字別無商
量錫爵曰書諸公之名以進何如元聲曰請卽以元聲
爲首杖戍惟命老先亦何苦終日周旋去國之臣也錫
爵曰初意皇長子出閣與三子五子等威亦自有別
元聲曰等威儀曹事非閣臣事錫爵唯唯翌日錫爵上

疏自劾三誤。上旨云：既如此，俱不必封。元聲復上書。

錫爵謂非有擁立之顯功，斷不足以償虛儲之實罪。于是錫爵復上書爭之，并以豫教爲言。上不允降陳太

來薛敷教于孔兼，顧允成于外。

江業羅曰：三王並封之議，原侍郎某進于婁江。婁江因有是議，明旨一降，舉朝大開，連意攻擊。婁江幾無完膚，終絕口不言其故。感以爲得大臣之體。○顧上陳萬言，武岡張子房、李長源之功，魏高曰：留侯與而權矣。顧令商山之老既出，而漢高心不折于羽翼之戚，可奈何？且羽翼非人子所自處也。舒王之爭，不至于鳴咽漚漚，則德憲之代皆不能正其終始。故曰：人臣之業，鄰侯爲正。元聲位不尊于鄰侯，而抗言正爭，事竟得寢。迄今聖子神孫，太山而四維之，當事者猶不急酌曲突徙薪之功，不令洛陽少年嘆息無已時耶。

妖人許油馱僭王以術蠱淫女稱后山東右叅政顧雲程收縛竄之法巡撫李三才欲坐以謀反雲程力爭竟坐左道律李不悅已而徐淮張大妖人趙古元功嘖有頌言李揖之日今日發蒙曠然已昭矣○陸光祖罷以南京吏部尚書陳有年代之

有年當銓選時書開錫遺剗除殆盡及位冢宰清肅苦節視前益甚中貴私啓曰可以情白否有年曰彼此公忠休國他不知也諸中貴昨舌退除斥言臣與當路有隙當路迎上意錮禁之有年無日不請至再至三與古人補牘而陳者無異又求復國初銓臣体陸除不閱白當路當路益不堪蓋掣肘其行事

仁聖皇太后崩喪至山陵上以足疾不能送吏部侍郎孫繼皋奏言皇上孝事母后天下所聞今駕輿就道

而靳一攀號。卽數于步。可掖而行也。何可苟一時以虧大禮不報。

雲南御史薛繼茂條陳緬夷方畧。

高汝拭曰。滇中在玉斧一畫之外。唐時叛服不常。蓋以四川節度使。遥制全滇。繼長不及。馬腹叛。固宜矣。入我朝。二百有餘年。永作屏藩。神宗朝。勛酋跳梁。連六慰。侵我金騰。巡撫陳某用兵勦之。勛之役殘破不支。馴致六慰效順。照承樂間。例爲金葉表。具方物入貢。金騰之間。高枕無虞。考其用兵與餉。皆取給下滇。視王靖遠。麓川一役。費天下大半者。其功不知誰茂。而費不貲。麓川十一。可謂謀臣苦心矣。削禮科給事張貞觀籍爲民。爵立之。旨原以二十一年行。屆期復爽比。廷臣有言。又變而爲三王並封。未幾又變而爲待嫡。說屢更而意念不可測。有愈嚴而降削愈

未有已。貞觀于是草疏爲其夫人高曰：吾所爭者大，或忤上意，重則杖死，輕則削籍，爲編氓爲我製青布單衣以待。至是遂服而行。旨下奪俸，輔臣論救，上怒命降邊方雜職，後復黜爲民。

巡鹽御史基才題罷從前京掣事例

京掣一舉，正以控淮南之咽喉，而甄滄其源派。係鹽政之竅係。今罷京掣，卽有掣而不于京城，於是地非要倉委，非專官。私載易于閭縣，泊船更無閱防。因而販鹽聯帆，乘風四達，或遣往以閱提，或低價以防商。道商船既到，彼停開經年，于錢日蓋倍增。堆塩無從編鬻，彼遑商剝蝕，惟膏完倉給引。寅年無收于彌兌，卯歲又苦于銖求。此其商之所爲受病也。至三十八年，付宗阜題覆之。

茲惟敬三入平壤，約以新正七日。李提督齋封典，過肅

寧館行長命牙將二十人來迎別將李如栢易倭寨擒倭驚潰逸去僅殺三人以首捷報倭將還告行長行長問惟敬惟敬曰必通事達情兩悞耳行長令親信小西飛禪守藤隨惟敬謁如松如松加撫遣歸平旦行長屹風月樓候瞻龍節倭俱花衣夾道迎候如松分布將士整營入城諸將畏倭莫敢先入形遂露倭悉登陴拒守如松麾兵攻之諭諸將無割級而將吳惟忠奮勇登城倭退保風月樓夜半行長提兵渡大同江還龍山旦日如松上首功遂以捷聞○遼人之竊級多朝鮮腐首朝鮮人恨之以倭矣王京通告如松信之輕騎趨碧蹄館○

白石之敗

忽勘忽無
跡無定局

馳至大石橋焉。歷傷額幾死。倭人圖之僕夫李友搢力戰援如松出圍。遶兵遇橋者盡死。友搢亦戰死。仍以猝遇倭鬪殺捷報。大兵退守開城。○四川巡撫王繼光一意勦播與總兵劉永嗣叅將郭成等議分三軍兩道並進。時軍至婁山等關屯白石口。應龍佯令其黨穆炤等約降。因統前兵據關衝殺我軍。王之翰覆因撤兵委弃輜重畧盡。○王繼光罷以譚希思爲四川巡撫。勅與總兵劉承嗣同貴州撫鎮相機征勦。時御史薛繼茂勦應龍。應龍上書願撫。上謂本酋朝廷原無意必誅。大兵一至。應自縛軍門請死。今御史報與本酋奏辨。順逆懸殊。

首請補缺餉給駟馬無以營馬供郵傳明斥堠嚴偵備
控要害籌攻守與總兵董一元請營中選練刑牲以血
瀝酒飲諸部曲而矢之曰居平虐下者臨敵怯懦者有
如此酒遼虜土酋子卜彥吉周罕速把亥子把鬼兒其
族炒花大最驍悍知遼兵以征倭疲分東西道期廣
寧南合圍化龍語總兵董一元曰諸虜環視我不戰益
取輕勢且無遼一戰而遼可存死猶爲之况未必死耶
西虜卜彥衆數萬難與爭衡所就就在右屯右屯有備
足自保東虜炒花把都衆財萬餘併力禦之必敗偏敗
西可不戰走也東虜五日不出化龍策之更遲兩日虜

令我兵奪氣將何以戰下令退兵復鎮武堡虜至見無
兵鼓掌而笑查真畏我率衆疾驅過之未半伏四起呼
震天虜駭而奔斬首四百有奇弃牛羊駝馬偏野幕帳
甲冑山積明日西虜至右屯張穹廬城隅指揮傲倪又
分衆犯懷武綴我師而守者先於城外築牆牆外濬濠
濠外多品坑攻五日技窮復募敢死士三百人襲其營
虜惧而却未幾虜復報忿命銳師敗之靖遠敗之高平
敗之黑山大敗之什方堡虜遂乞市許之上麓化龍功
遷兵部右侍郎任子錦衣衛千戶○東師自碧蹄之敗
軍氣大索經畧宋應昌急圖結局惟敬之款始用

並封之說
自此停止

于慎行曰國家制禦奴夷自有正體封貢之典。職在禮官。征討之法。職在樞府。譬如青島司春玄鳥司夏。各不相素。如西哈密南文趾北順義皆樞府所有事。而封貢題請則屬禮部。右司馬欲以封貢暗倭。故失補敗。身任其事。不以相聞。宗伯亦欲避難解謗。亦不言職掌。在本部。兵部題請以成封貢。及事敗。兵臣伏罪。禮臣無恙。自爲善矣。其如職掌之素何。

閣臣王錫爵請定冊典以信初詔。上怒甚曰。俱不必

封。少俟二三年。中官無出再行冊立之旨。大學士張

位疏曰。縱欲少緩冊立之期。豈可不先行豫教之禮。乞

請禮官從隆具儀。上請。上曰。豫教還候旨行。

經畧宋應昌檄劉綎陳璘水陸濟師。上益發帑金二

十萬佐軍興。時諜者言王京倭二十萬。且聲言關白揚

帆入犯李如松分留李寧等駐開城楊元等軍平壤扼
大同江接餉道李如栢等軍寶山諸處爲聲援查大受
等軍臨津而自東西調度聞倭據龍山倉積粟可數十
萬我兵從間道縱火焚盡之倭乏食○封叅將蕭如薰
妻楊氏特勅褒異○封貢起倭果遁上諭朝鮮王還
王都整兵自守兵部議宜留南兵善後云○李如松欲
乘倭情歸擊之倭步步爲營用分番迭法以退去
七月星變羣臣請上山御朝講彗星漸近紫薇垣于
象爲君于地爲藏神布政之所羣臣力請上于視朝
臨政之所慎起居謹宮中言責于左右寡嗜欲以防

小西飛禪
守藤原如
安一人或
止稱小西
飛或稱中
藤如安

所見略同

疾散積聚以廣惠乃爲脩省之實上通降勅反躬自責
兼勅大小臣工病加脩省○沈惟敬歸自釜山同倭酋
小西飛禪守來請款倭祥請款隨犯咸安青州逼全羅
聲復江漢以南以王京漢京爲界然全羅沃壤南原府
猶其咽喉如松命將扼南原復移師駐南陽陝川
兵科給事中張輔之謂倭聚釜山原祥退誘中朝撤兵
圖漸逞無故請貢非人情今猝犯晉州情形悉露宜節
制征勦報聞○遼薊巡撫都御史趙耀亦報款貢不可
輕許下部議勘○倭從釜山移西生浦送回王子陪臣
議留劉綎川兵五千吳維忠等南兵二千六百防守加

劉綎總兵衛吳維忠等並聽調度○諭令朝鮮世子臨
海若琿居全慶間督師○經畧宋應昌遣沈惟敬復入
倭營促謝表急圖完局命併撤吳維忠等兵止留劉綎
兵防守○以顧養謙總督遼左石星一意主款議撤兵
省餉經畧以師老無成功亦願借倭退弛担因繆依違
其間然倭多詐而終無實意○上御煖閣中召閣臣王
錫爵至錫爵叩頭言錫爵久離 皇上左右欽蒙 聖
恩累次差官降諭敕趣至京又蒙 欽賜銀兩服色等
物 恩眷非常臣不勝感戴再叩頭奏今日又蒙 皇
上聖容充粹聖體康寧真萬萬年 宗社無疆之福臣

又不勝欣喜。再叩頭賀畢。上諭曰：卿爲國遠來辛苦，朕心甚是喜悅。爵對曰：臣受皇上天高地厚之恩，粉骨碎身尚不能補報，何況區區奔走之勞。上又諭卿扶母來京，可謂忠孝兩全。爵又叩頭對曰：臣今日正恐忠孝兩虧。且如皇上召臣本付托以國家之事，目今外邊諸務雖漸有頭緒，苦于朝廷之上議論日繁，止因冊立一事不定，生出無數疑心，使皇上受了無數煩惱。臣因此不甘，所以連進密揭力勸。皇上早斷，使人無詞。上曰：朕意久定，遲早總則一般。豈爲人言動搖。爵對：聖意豈有不定。臣等亦豈有不知。但外人

見無消息。止不佳。胡言亂嚷。臣竊痛。皇上有何不明之心。難決之事。平白受人這等閒氣。上曰。朕知道了。恐後中官有生。却怎麼處。爵又對這事數年之前。說起。猶可。今皇長子年至十三歲。待到何時。況且自古至今。豈有人家子弟。十三歲不讀書之理。何況皇子。上曰。朕知道了。朕子明年該長髮之期。卿所奏洞悉苦心。爵又奏。臣今日見了皇上。不知再見何時。伏望皇上念臣之苦。三思臣言。將此事作速早斷。不必待冬至之後。舉行。部科再請。連臣等二三閣臣。亦若不與其事者。省了多少煩惱。自此之後。更望皇上時出御朝。頻召

臣等商量政事。天下幸甚。上曰。朕也要與先生每常相見。不料朕體不時動火。爵對動火原是小疾。止望皇上清心寡慾保養。聖躬萬安。以遂羣臣願見之望。卽如今聖駕一出。滿朝歡呼。可見勤政視朝。是治安急務。言畢。聖駕欲起。又叩頭而出。總督顧養謙力主撤兵。上嘉其膽畧。許之。因疏請封貢。上命九卿科道會議儀制。郎中何喬遠急請罷封。給事中叅督臣朋欺御史唐一鵬叅李如松開慶甚有謂。祖訓絕其封貢者。木兵石星張皇甚恐。不能羈縻。關白。上亦切責羣臣阻撓封貢。

高汝柱曰。日本關白封貢之議。一時臺諫部司上疏力爭。日無虛牘。

爭之誠是也。然皆揣摩情形。從論事理。至日本治亂。絕不考究。謂祖訓絕其封貢。二百年來不與相通。者。識者笑之。洪武初年。雖使日本之貢。至永樂以後。卽以金印詔書封其國王。每朝易位。輒賜日字勘合。若干號。六年一貢。齎勘合而至。人船貨物。皆有定數。至嘉靖二十九年。入貢以後。始不一耳。奈何謂二百年來不與通貢。又倭中自有國王。州郡官長。類朝鮮可考知。亦不問其顛末。而從一二船商之言。所指地方官職。皆以洪荒初造。未經肯構者。元非四夷封略。在禮部客司。大司馬石星。彼欲取效目前。不暇深考。竟不知日本爲何國。關白爲何人。亞庭之言。皆如鑿鑿。以此禦難。何以國爲。可爲仰屋竊嘆者矣。○權不可中制。兵不可遽度。故曰。闔以外。將軍制之。誠重之。使不得辭其責也。後之當事者。乃取境外之事。而任之廟堂。株之臺諫之口。則分閭擊尉。豈得焉。勝算哉。三則皆于欽定筆塵所紀。

錫爵旣退。上謝允豫教。分別長幼。疏上諭曰。皇長子出閣。未行冠禮。着甚冠服。以見講官。欲待明春。正月中。

詢于卿等。今查大明典禮。東宮與王。袞冕皮弁。二服冠。則皆同。其服則異。欲行冠禮。儀從何行。朕言欲着常服。出講。待冊立後。再行加冠禮。未遲。故諭。○罰刑科給事中。葉繼美。俸一年。削南刑部主事。孫繼有。職爲民。迫南。吏部主事。安希范等。來京究問。旋釋其逮。革職爲民。甲午萬曆二十二年正月。禮科給事中。趙完壁。疏言。性者。倭奴託貢之術。以覘我重輕。幸賴皇上格寢其說。茲又假封之名。以賞試我。夫倭之所嗜者利。利不足以誘倭。而使還經畧。惡其以利啗倭之名也。不得不託之爲貢。貢不成。則倭不退。經畧又見貢之不行也。故不

得○不○易○爲○封○說○雖○三○義○則○一○名○在○此○而○實○在○彼○也○又○曰○
臣○不○知○經○畧○出○都○之○時○行○色○何○壯○而○今○憊○慵○至○此○也○逐○
虎○之○法○轟○雷○之○砲○戰○車○巨○艦○之○脩○費○水○衡○內○府○百○萬○俱○
付○之○有○而○僅○僅○市○一○封○臣○以○爲○此○舉○也○是○人○臣○之○利○
非○國○家○之○福○也○下○部○知○之○各○省○災○傷○降○諭○切○責○有○司○
司○道○撫○按○官○并○責○科○道○官○不○用○心○參○駁○

皇太子出閣講學

二月 皇長子出閣講學禮部侍郎馮琦上 皇長子
出閣講學儀証 上命皇長子未行冊立不用侍衛儀
從著提督閣臣并侍講讀等官行四拜禮內侍進案不
用禮部鴻臚等官禮部復奏新春第一次出講照累朝

說行道不
盡其不出
處奈何

已行舊例備東官出閣之儀每日相應照常上允之

皇長子年僅十三岐嶷不几舉止凝重讀書成誦作
字有法每講閣臣一人入直看講而講案前有雙銅
雀故事叩頭畢從銅雀下轉東西面立閣臣誤出其
上皇長子屬內使曰移銅雀可近前些雖不明言意
在嘿喻一日講巧言亂德節講章曰以是為非以非
為是到日寧當直既敷衍畢從容進曰請問殿下何
謂亂德朗然答曰顛倒是非蓋化其詞而繫括之更
覺明切講官焦宏叩頭請維皇上帝降衷下民若
有恒性大義答曰只天命之謂性是已董其昌請問
擇可勞而勞之答曰所謂不輕用民力也講官嘆服

刑科給事楊東明進饑民圖說皇貴妃願助賑濟傳

諭中官各出貲以助聖諭閣臣云朕覽饑民圖說特

有皇貴妃在侍因問此是何圖畫着死人又有赴水

的朕說此是刑科給事楊東明所進河南饑民之圖余

封進雁糞
戰國說更
氣切

彼處甚是饑荒有吃樹皮的有人相食的故上此圖欲
朕速行賑貸皇貴妃聞說自願助賑銀五千兩朕言
其少欲待再有進助一併發出今見卿等所奏着明早
發與該部差官解彼賑用其中官等朕傳諭着各出所
積之貲以助卿等又能捐俸薪以救甚見憂國爲民至
意○河南御史封進饑民所食雁糞更苦

首輔王錫爵以病乞歸疏五上上以彼倭未妥東虜
跳梁遣官宣諭慰留因出帑銀五十兩命靈濟宮建保
安醮場三日三夜爵伏懇辭上遣行人護送錫爵歸
里上辭朝疏一勘御朝云一刻臨御朕千百刻批覽兩

羅濟河南
以荒

次一事。勝于手勒百言。一勸批發云。言之當者。不可留。中不當者。不必留。中留不可之議論。則廢事。留不結之罪。按則廢人二款最切。

三月朔。聖夫人金氏其夫都督同知某卒。請以好義。禮部執奏不可。事遂寢。○命光祿寺寺丞鍾化民兼御史賑濟河南饑荒。○以兵部侍郎邢玠總督貴州。并勸播酋入蜀。部署將士。若爲繭絲者。然酋大震懾。○命吏部會推內閣時部以冢宰及御史大夫名。上并起舊。問臣王家屏。詔已點用二人。隨有嚴有詰責云。以後宰相奉特簡。不得專擅。先是聖諭有不許拘泥資品爲

部院等衙門也。而該部誤以起用爲不稱。又云堪任。臣爲待次翰林官也。而該部誤以已任者並列。皇上又有通寫來看之旨。故以世達前次推用。并列上。上覽大怒。降處司官空槽。以去。于是吏部尙書陳有年。奉言冢宰及總憲。廷推自有故事。王家屏爲相有名。若宰相不廷推。則將來開私竇無已時。因而乞歸。命馳驛回籍。以孫丕揚代之。○以沈一貫陳于陞爲禮部尙書。東閣大學士。吏部會推以沈一貫王家屏及陳有年。孫丕揚等上。而不及陳于陞。上憶于陞往歲嘗有所推擇。令並列名。蓋特簡也。因責該部專擅。逐去七郎。陞遂寔。

敢拜命再爲請謝而後敢拜

降湖廣布政司左布政武尙耕三級旣而削其籍舊例
楚貢魚鱉鱗鮮如令甲而上以近詔徵直增額何以
不遵故譴之先是尙耕治兵郢上時守備太監王某恣
睢不法縱爪牙奪民田四萬七千有奇耕案治之還其
田于民王敗去代璫孫甚遵尙耕戒諭稍戢比長楚藩
孫政以上供事與鍾祥縣構祈耕左祖耕不應憾甚托
其黨傾之坐此降級命下台省奏貢在詔前非格也不
宜罪輔臣疏爭甚力上益怒竟削籍○總督顧養謙
奏言講貢之說貢道定寧波關白宜封爲日本王請擇

才力武臣爲使。諭行長部倭盡歸。與封貢如約。

九月廿三日夜。東北方有星大如鷄子。青白色。西南方有星大如碗。亦青白色。尾跡散光照地。西南行。後有二小星隨之。復有流星數千。四面紛紛交錯而行。福建巡撫朱運昌亦奏。八月二十五日夜。長星頭大紅色。尾尖白色。發響一聲。裂開中心。紅兩邊白。圍轉一半。身彎能動。九月初六日夜。一星圓大似碗。身色血紅。燥爛霎時。變爲五聚成堆。各如碗大。俱血色。至三更復并爲一。血紅如初。至四更復分爲五。至五更總歸爲一大。如米籬俱血紅色。至鷄鳴。又復碗大。

王文肅疏
曰倭非我
叛臣若真
心向化決
無絕理又
非我孝子
若分外嬰
求決無許
理屬腐儒
事而決

朝鮮國王李昫疏請許貢保國 上從之 詔小西飛
入朝決計先是朝鮮疏至 上切責羣臣阻撓封貢本
兵不能主持○及總督差伴抵京石星優遇如王公小
西飛等殊揚揚過闕不下馬既集多官面譯要以三事
一勒倭盡歸巢一既封不與貢一誓毋犯朝鮮倭俯從
以聞 上復諭于左闕語加周複大畧如樞部旨
十月罷浙江巡撫王汝訓迨浙江巡按彭應參烏程知
縣張應望至京詔下獄 浙江大姓董份范應期素以
賢雄倉頭輩魚肉里人訟謀如山汝訓與應參聞于朝
彭屬烏程令裸之急訟者復請張應期俱雉經死安人
皇明法傳錄 三朝卷四 明皇帝 三

養廉亦素
 身任封侯
 下亦可保
 無慮總是
 保標請戶
 惟敬正許
 封爵備可
 言也而許
 以和親至
 中國則能
 言和親者
 和封親密
 也其何言
 與

吳氏諸關訟究上怒故迫之

十二月封議定 命臨淮侯李宗城、正使以都指揮

楊方享充副使同沈惟敬往日本時禮部議日本原有

王未知存亡關白或另擬二字或卽以所居島封之行

長以下量授指揮銜賞賚有差 上竟准日本王號給

金印行長准授都督僉事已總督傳諭行長語枝梧且

日本王見住山城有文祿三年曆可証與小西飛稱國

王爲信長所弑互異適偵倭坐營陳雲鴻報熊川島倭

船三十六號業起行歸巢而樞部遂謂封事必可行矣

○以侍郎孫鑄爲東征總督東虜復化遣大將軍董一

元以兵匿鎮武堡，虜率騎深入，士卒從中起，循牆而進，虜大駭，搏戰自午至酉。我師精力愈倍，虜遂績一，元遁逐之，斬首四百有奇。仲言中流矢死，把都重傷空馬而逃。是夜虜奔如狂，哭聲震野，把都尋亦死。

以郭維賢爲右僉都御史，巡撫湖廣。維賢以順天府丞陞任，時苗酋雷晟聰以丈地故噪邑，令其黨有護令者，晟聰刺殺之。令以叛告，惟賢謂夷人相仇殺，治之不償。用漢法，用漢法是紛之也。屬湖南道紳致晟聰杖而徇諸境，計所殺傷，令償牛畜如夷法。邊境帖然。○兩營於石碛土舍馬邦聘，攻其女宣撫單氏，單上書曰：臣自從

征疊茂擊破大雪山斬虜一千級兩臺不以臣女流賜
之獎曰紀律嚴明衝鋒第一今邦聘無故而虔劉我孤
人之子寡人之妻臣請比先年楚全洞舍謀篡事願以
聘就吏

皇明續紀三朝法傳全錄卷之四終